

## قديم

يا قديم الحزن ليه اتحن لي؟! ..  
كِن مافي الليل غيري يسهرك!!  
كلما ظنيت بالي قد خلي..  
تعطشك روحي وعيني تمطرك  
قلبي العاشق بهمك ممتلي ..  
ماغفي للشوق جفناً يذكرك  
ما كفاك اني في بعدك معتلي..  
نايفات جروح تنزف مهجرك  
في وداعك اذكرك انك قلت لي..  
كلما حنيت طيفي يعذرك  
سيدي بالله ليه اتعن لي؟! ..  
دام شوقي ما يحرك محجرك

عبدالكريم الدوسيه

## محتاج أودعك..!

شف كلهم ودعوني.. ما بقى غيرك  
محتاج اودعك.. ياليتك تودعني!  
وجهك بقى لي، وحبى لك، وتأثيرك  
وشلون ترحل ويبقى كل ما تعني؟  
يلغي غيابك، ونسياني، وتقصيرك  
حضورك اللي بقى بعدك يلوعني  
صحيح ما طالت اللحظة لتأخيرك  
مثل امس.. حين انتظاري فيك يجمعني  
لكن فقدت الزمن بأسباب تخديرك  
يا احلى وهم.. خلد احزاني وضيعني  
تكفى تفضل.. وخذ مني محاذيرك  
حتى اقدر امشي بدرج عنه تمنعني  
تكفى قل انه ما مر اسمي بتفكيرك  
لعل قولك عن التذكار ينزعني  
لولاك واحد.. قدرت القاك في غيرك  
لولا الرجاء فيك، عنك الياس يقنعني!  
محمد الحريه

